

永嘉縣志卷之十七目錄

人物志五

文苑 六十七人
附十一人

唐 張 誼 補

宋 謝 雱 徐自明 補 陳季雅 戴 厚 補

王 綽 趙師秀 婁 鑄 補 胡 宗 補 弟

盧祖皋 潘 檉 徐 照 徐 璣

周學古 子宗 夷 戴 栩 元儒 林 趙汝回 薛師石 弟師 山子

峻 趙崇滋 子必 必杉 槐 謝夢生

趙善得 李君錫 潘希白 宋慶之 祖傳

永嘉縣志

卷之十七

人物文苑目錄

一

林一龍 梅時舉 陳聖元

元 姚 樞 黃石澗 陳華祖 孫 華 一作 孫華

孫 高守奎 洪 濤 張天英

薛 漢

明 余堯臣 林 温 弟常 張 著 楊 升 補

金 祺 補 潘文奎 補 王 健 高應祥 湯志 補

周 感 陳鳴鳳 補 王應辰 戴 賞

洪孝先 補 方日升 補 戴宗璠 弟宗 嘯 姜 準 梅應 期

國朝

梅調元 林占春 李世瑞 補 趙紹鼎

谷 誠 林兆斗 翁應春 徐 凝

林元桂

洪勳

蔡宏勳

徐宗穆續

潘宗耀

弟宗瀾

陳遇春

黃漢

張振夔

周衣德

府志有方煜複見隱逸又有木待問宋眉年陳秀民謝廷循周旋葉式康從理包容劉康祉林應龍舊志移木待問宋眉年葉式劉康祉於仕績補入項喬王激誤載錢敬直鄭如夔係樂清人湯志仍之而削陳秀民補木待問今俱移列各門此削

隱逸

三十人

唐 劉冲

五代

嚴永

宋 鄭廣

周侃

朱聳

方煜

周彥通

宋之翰

補

潘朝卿

補

宋希孟

永嘉縣志

卷之十七

人物文苑目錄

一一

何傅

李伯鈞

湯志補

鄭純

補

元 潘養頤

明 王湖

虞世暘

元尚義補

朱邦采

周文美補

康從理

元文苑

林蒙

補

謝敬撰

劉康社

戴邦翼

周道麟

陳應聘

王應鐘

黃宗揚

國朝

王家琦

補

周天錫

補

周天鏡

府志有薛高王欽豫又載蔣湛係陽羨人縣志湯志仍之又誤入張薦樂清人何白亦樂清人徐必友平陽人又有侯思炳亦樂清人今削

永嘉縣志卷之十七

人物志五

文苑

孝友者一家之行也文 一身之華也然而事君事
長非孝不克教國有三所 孝而已矣立德立功非
言不傳不朽有三所恃者言 已矣邑在東南號小鄒
魯入孝出悌之士能孜孜於學文自水心擅文章之譽
四靈得唐詩之傳其後鄉里之士無不以詩文自勵者
國朝以來雖稍衰歇然如張介軒陳鏡帆之流亦非習俗
所能囿也振而興之是在有志者

永嘉縣志

卷之十七

人物 文苑

一

唐

張諱永嘉人初隱少室山下閉門修肄志甚勤苦不及聲
利後應舉官至刑部員外郎明易象善草隸兼畫山水詩
格高古與李頎友善事王維為兄皆為詩酒丹青之契維
贈詩云屏風誤點惑孫郎團扇草書驚內史李頎贈曰小
王破體閒支策落月梨花空照壁詩堪記室妒風流畫與
將軍作勅敵天寶中謝官歸故山偃仰不復來人間矣有

詩傳世

辛文房唐才子傳張彥遠名畫記略同案王維有
送張五諱歸宣城詩孟浩然有尋張五迴夜園作

李頎有送張諱入蜀詩是諱之游
蹟幾徧天下不但嘗居宣城也

宋

謝雱字季澤父知柔嘗居瑞安樂善鄉人稱樂善先生雱性穎悟博學強記自經子百家之書皆手自校定音訓句讀一一不苟而文亦驟進紹興三十年入太學乾道五年登進士第授左迪功郎連江縣主簿憂歸再調台州司戶參軍陞從事郎[淳熙]十二年爲高郵軍教授改宣教郎遷知[密]德縣轉奉議郎賜緋銀魚慶元二年轉承議郎三年卒官年六十三雱少受知於舅氏張忠簡公闡又與張忠甫陳君舉鄭景望薛士龍諸公周旋故不扶而直其官台州也朱子爲倉使一見如故交留語或至終夕屬以荒政及滯訟以辦集稱及試邑危坐聽事事至立決庭無留獄

永嘉縣志

卷之十七

人物 文苑

一一

又平反誣服者數人吏畏其明民樂其寬死之日巷哭相聞又祠之於老氏之宮所著有正字韻類五卷援據精確陳傅良爲之序樓鑰嘗爲郡教授與雱考訂文字毫髮必計及卒鑰銘其墓

政魏集

徐自明字誠甫號慥堂[淳熙]戊戌登第歷官太常博士知光州嘉定十年移知永州終零陵郡守自明爲經師宿儒容止靖嚴言悉中節行不越矩論著滿室蠅頭手筆無一字不端楷皆有益於世教所著有禮記說宋宰輔編年錄二十卷浮光圖志三卷零陵志十卷子居誼知永福縣

一作

宰永 有廉名刻編年錄於縣學

陳昉編年錄序宋史藝文志史能之毘陵志

陳季雅字彥羣氣質超邁自高其材不樂師授時諸儒方爲制度新學鈔記周官左氏漢唐官民兵財所以沿革不同者以爲古人之治可復致也季雅獨闊視長揖與其先生弟子交論無所降州將讀其書適熟如素講往往有新意出人表遂薦高等中涓熙進士第又中教官爲隆興府教授未久再遭憂差潭州教授未得上乃閉門盡抽古今文字且誦且索寢食失期度務爲周覽遍學鉤得其要累衆所能連類敷繹併集已長自是貌益沖然接對言語退就平實人皆曰彥羣能下人矣得足疾竟卒年四十五著有兩漢博議等書

水心集兩
浙名賢錄

永嘉縣志

卷之十七

人物 文苑

三
民國二十四年補刻

戴厚字俊仲一字長文初爲郡學錄_{淳熙}八年特科進士補賀州文學尋授迪功郎金華縣尉十六年轉從事郎卒年六十八性溫粹孝友能詞章詩清婉有思致弟沒撫其子如已出開門授徒席下多知名士從兄子溪尤著所著有春秋經解三十卷橫蕩類稟五十卷藏於家四明樓鑰

銘其墓

政
媿
集

王綽字誠叟號松臺邃於學負氣節葉水心之畏友趙尙書汝談在史館薦充編校不就而卒薛歸愚翁挽之以詩有水心文會已凋零猶有先生續典刑之句所著有春秋傳記及雜文門人尤端明焞守建薛祕書蒙守栝竝爲之

刊行

姓譜
舊志

趙師秀字紫芝號靈秀太祖八世孫南渡時自浚儀徙永

嘉

江湖後集
作浚儀人

登紹熙元年進士授上元主簿師秀以明道

程子嘗爲是官乃卽廡舍之前爲屋數楹以祀程子

真西山集

歷高安推官自乾道來濂洛之學方行諸儒類以窮經相

尚時或言志取足而止固不暇如昔人體驗聲病律呂相

宣也潘檉出始創爲唐詩而師秀與徐照翁卷徐璣繹尋

遺緒日鍛月鍊一字不苟下由是唐體盛行師秀詩名天

樂堂集又名清苑齋集

兩浙名賢錄

晚寓杭州有終焉之志其

孤山寒食詩云三月芳菲在水邊旅人消困亦隨緣晴舒

永嘉縣志

卷之十七

人物 文苑

四

民國二十四年補刻

蝶羽多匀粉雨壓楊花未放絲有句自題閒處壁無錢難

上貴時船最憐隱者高眠地日月春風是管絃其卒也劉

克莊挽之詩云奪到斯人處詞林亦可悲世間空有集天

下便無詩盡出香分妓唯留硯付兒傷心湖上塚誰葬復

誰歸

萬麻志

婁鑄字南伯號潛山寅亮從孫也曾祖瑄祖克亮父世初

楚州教授淳祐間知名母何溥女也鑄童丩游鄉校翔趨

闊視見者辟易旣壯晝繙夜玩經史傳記獵採無休時奧

篇隱帖覽卽成誦觚翰所就鄉之文學先生愈益賞異其

詩用元祐律雖繪組故事以就聲韻而高睨物表自爲開

闔文倫紀條通勸戒森列往往有益世教駢儷尤多著有潛山集寶慶二年卒年五十二戴栩銘其墓

院川集

胡宗字太初湖州酒監序之子登紹熙四年第調湖州教

授

舊志選舉

宗少穎悟誦書屬文隨見輒解孝友温良言行無

玷嘗從陳止齋游講求經制之學博考經傳參驗古今夏

休作井田譜宗亦相與講明樓鑰守郡舉宗堪應賢良方

正能直言極諫科

政魏集

弟守相次登進士第

萬麻府志作上舍釋褐舊

志選舉不載

以能文有學為名士師友必於四方在家如處子

里巷人不識面未嘗謁州縣也

葉適胡夫人薛氏墓誌銘

盧祖皋字申之一字次夔號蒲江登慶元五年進士嘉定

永嘉縣志

卷之十七

人物文苑

五

民國二十四年補刻

中為軍器少監權直學士院與閩人徐鳳並直北門時慶

澤孔殷綸言沓布祖皋抒思泉湧號為稱職工樂府詞意

清遠字字可入律呂江浙間多歌之祖皋為樓鑰之甥學

有淵源嘗與永嘉四靈以次相倡和有蒲江詞一卷

舊府志湯

志

潘檉字德久號轉菴父文虎右科第一諸父文饒文孝文

禮先後登紹興第文饒字明則學本濂洛尤為多士所宗

檉年十五六詩律已就下筆立成永嘉言詩者皆宗之讀

書評文得古文深處舉進士不中第用父任授右職

葉適德久

詩序

繼參戎幕召試為閤門舍人授福建兵馬鈐轄其題釣

臺云但得諸公依日月不妨老子卧林邱爲人傳誦嘗從使節出疆有北征往來所賦聲名藉甚著有轉菴集

厲姓統譜

舊府志
湯志

徐照字道暉自號山民嗜苦茗甚於飴蜜手烹口啜無時上下山水穿幽透深拾其勝會向人鋪說無異好美色也有詩數百斲思尤奇皆橫絕歛起冰懸雪跨使讀者變蹕慄慄肯首吟嘆不自己然無異語皆人所知也人不能道爾發今人未悟之機回百年已廢之學使後復言唐詩自照始惜其不及臻乎開元元和之盛也同爲唐詩者徐璣翁卷趙師秀照旣死師秀集常朋友殯且葬之在塔山林

永嘉縣志

卷之十七

人物 文苑

六

民國二十四年補刻

額兩村間其詩名山民集葉水心誌其墓

舊志水心集

徐璣字致中一字文淵父定潮州太守由晉江徙永嘉任建安主簿麻溪峒民業鑄兵鬻鹽者官窮治羣捕因相聚爲逆多殺傷官軍州恐以璣將而往璣不用衆但命士人持榜告諭皆散去罪止三人監造貢茶其長欲取於數外璣正色曰此人主所以薦天地宗廟非臣下所宜得移永州司理兵官執平民爲賊冀賞璣明其無罪盡釋之丞龍溪縣城旁陂溉萬頃豪黨私以爲田陂浸壞璣按視疏鑿如舊移武當令改長泰令未赴嘉定七年卒年五十三初唐詩廢久璣與其友徐照翁卷趙師秀議曰昔人以浮聲

切響單字隻句計巧拙蓋風騷之至精也近世乃連篇累牘汗漫而無禁豈能名家哉四人遂極其工而唐詩繇此復行璣得魏人單煒教書法心悟所以然無一食去紙筆晚近蘭亭葉適謂書當自成體何必蘭亭璣曰不然天下之書篆籀隸楷皆一法法備而力到皆一體其不能爲蘭亭者未到爾非自成體也病垂絕忽長嘆言争争者數聲其妹撫之曰何争張其目視曰天争妹又曰天何争復力疾大呼曰争名也遂卒

葉適徐文淵墓誌

薛師石哭徐致中詩云

幾同行過松臺里不忍登堂不叩扃松臺里璣所居也

周學古字會卿行已孫也兩薦漕闈不第遂息意場屋以

永嘉縣志

卷之十七

人物 文苑

七

民國二十四年補刻

風雅自娛葉適序其集云周會卿與潘德久齊稱盤摺生語有若天設德久甚畏之德久漫浪江湖吟號不擇地故所至有聲會卿常閉門里巷坊不相識居謝池窟山宅水自成深致知者獨輩行舊人爾子宗夷字景略爲鄉善士

孫如堅登慶元丙辰右科終合浦令

厲麻府志兩浙名賢錄

戴栩字文子溪族子

舊志選舉進士作溪孫疑誤

登嘉定戊辰第爲太

學博士遷祕書郎出知臨江軍改衡州俱未赴久之起湖南安撫司參議官卒少師水心葉適得其旨要文章法度能守師傳詩與四靈爲近而刻鏤尤工其論聖學論邊備諸劄劄切敷陳不負所學胡知柔以争濟王事忤史彌遠

謫赴象臺榭賦詩贈行深致惋惜嘗論詩壞於衛宏之序
春秋悞於公羊之傳易紊於三聖繫爻彖象之互入書失
於孔壁序傳簡編之相亂周禮特周公大略之書當時有
未必盡行者識者是之所著有五經說諸子辨論東甌郡

要略浣川集

舊府縣志
四庫總目

趙汝回字幾道太宗八世孫南渡後徙永嘉

江湖後集
作浚儀人嘉

定甲戌登第授台州錄事

薛師石有送趙幾
道赴台州錄事詩

終主管進奏

院名重一時高興苦吟自成一家其詠橘花云春風過後
雪初白夜雨晴時水亦香詠水仙云屈原一點沈湘恨李
白三生捉月身皆爲詩家所珍從其學者多知名有東閣

永嘉縣志

卷之十七

人物 文苑

八 民國二十四年補刻

吟藁

屬麻府
縣志

薛師石字景石弼曾孫祖叔淵父浩提舉華州雲臺觀妻
木氏待問女也永嘉之作唐詩者首四靈繼四靈之後則
有劉詠道戴文子張直翁潘幼明趙幾道劉成道盧次夔
趙叔普趙端行陳叔方者作而鼓舞倡率從容指論則又
有瓜廬隱君薛師石焉師石襟韻疏曠卓犖有大志視寒
生糞土思欲盡助衣食之困於力不給而止然猶經理整
緝隨所有丐與之築室於會昌湖上敲榜擊楫日與漁翁
釣叟相忘於歛乃之間已復酌古今談世務究奇正相生
之變而推考八陣旁及遁甲縱橫斂散其論高於人數等

蓋家學之傳遠有端緒師石又能錯綜而發揮之兼工小楷初授法於單炳文日經月緯已忽超詣識者歎其得晉人用筆之意紹定元年卒年五十一有瓜廬集

王綽薛瓜廬墓誌

弟師山字仁靜好讀周易子峻

淳祐甲辰進士爲常德教授亦喜吟哦工字畫雅有父風

曹幽瓜廬集跋

趙崇滋字澤民號竹所太宗九世孫父汝鑒寶慶丙戌中第通判道州崇滋少穎悟卓犖不羣母舅天台王夢龍器之授以所學登嘉定丁丑進士調嚴州司戶尚氣不屈每與守諍守降意下之趙與篋長版曹檄和糴浙右辭不行人贊其清同年生多居要津終不肯附麗以求速化工詩

永嘉縣志

卷之十七

人物 文苑

九

善筆札每興到拂紙援毫頃刻數千言夏金玉而走龍蛇觀者神駭名重一時有過荆坑哭鶴步月諸篇膾炙江左子必櫻必槐必杉俱登第必棗以舍選釋褐必櫻終貴溪宰必槐由邑最陞歷太府簿司農丞知安吉州入爲金部郎以直祕閣知嚴州能脩其官始終不掛吏議徙台州不赴卒必杉介特不肯詭隨終宣城宰

姓譜兩浙名賢錄萬曆府志宋詩紀事

謝夢生字性之少力學深詣與陳埴葉味道爲同志友由是所得沛然名重當時趙善得亟稱之以女妻焉嘉定癸未登第教授無爲軍辟淮西漕幹知上虞縣除武學博士遷樞密院編修出知安吉州召爲宗正丞兼戶部郎改秘

書丞知汀州以疾致仕弟挺之同登第終安吉州判

屬麻
康熙

府志案選舉志
是科無謝挺之

趙善得字季清少以恩入仕紹定二年登第歷仙居丞忠州判官性穎悟文思泉湧下筆輒千言嘗曰今人不能道古以胸次不如古人豈惟不能道古亦不能鋪今蓋有四難意難闊聞難廣情難寫心難公又云作文如下黑白子有眼者勝閱文如閱好山貴起伏多也子汝棗孫崇奘俱

登第

屬麻
府志

李君錫字宗禹博綜經籍援筆成章尤精於禮寶祐文天祥榜登第歷官國子正太學博士諸王教授司農丞時禮

永嘉縣志

卷之十七

人物 文苑

十

經自王氏倡新學訓詁皆穿鑿君錫學正而博由是擢太常丞遷左漕郎面對皆切時事除直秘閣終朝奉大夫有

雜稿

屬麻
府志

潘希白字懷古號漁莊父斗建登嘉定第知嫩州卒希白入太學有文聲登寶祐第幹辦臨安府節制司公事秩滿引疾不調德祐末起爲史館檢閱不赴早學詩於趙汝回復工樂府駢儷俱著稱於時卜築柳塘極山水之勝著柳塘集一時文會名流咸集焉

屬麻府
志 姓譜

宋慶之字元積祖傅字巖老有鑒裁節操清苦爲乾道諸老所敬畏登紹興第終沿海制置司參議官水心葉適銘

其墓慶之學廣聞多文詞典贍有詩數百篇清新閒遠得風雅之趣登咸[淳]第監慶元府鹽倉辟浙東庾幕公車交薦未引見而卒著有飲冰文集

萬麻府志
姓氏譜

林一龍字景雲在太學不就月書以求捷進登咸[淳]辛未第授紹興教授未久除史館檢閱遷祕書郎兼說書性直諒樂道人善工古文辭說者謂可闖葉水心之藩晚年徜徉泉石以壽終有石室文集

萬麻府志

梅時舉字舜臣剛介有守弱冠舉於鄉諸老器之精史學著通鑑新議剖析精微多前賢所未發

萬麻府志

陳聖元字道翁天資穎秀善聲律工駢儷早貢於鄉士類

永嘉縣志

卷之十七

人物文苑

十一

推服築文峯樓與朋友徜徉其間賦詠自適

萬麻府志

元

姚樞字斗璿少聰敏博極經史過目不忘宋季領鄉薦元初絕口不言仕進隱居教授若將終身延祐間總管趙鳳儀請分教郡庠從游甚衆

萬麻府志

黃石澗少有器局博覽經傳工舉業宋末累舉不第元初授徒學子雲集嘗謂學旣不用於世不可無傳於後延祐間總管趙鳳儀延爲郡庠分教多所造就

萬麻府志

陳華祖字理常宋寶謨閣待制謙五世孫少聰敏通尚書於四子書尤多發明四方從游者衆經略使普顏不花李

國鳳至温以遺逸薦授翰林國史院檢閱著有大學審明

中庸提綱

舊府志

孫華字元實永嘉人僑居華亭年十三郡守課諸生春陰

詩操筆立就落句云柳花只在斜陽外不肯分明過小橋

守大奇之誦經考史以博雅聞尤好岐黃家用薦為醫學

教授辭免戴折角巾衣鶴氅衣望山臨水步履翛然所居

小閣列古彝鼎法書名畫焚香靜坐終日書非佳墨熟紙

不作飲饌非精潔不食土非賢不與交卒年八十餘

列朝詩集

傳案

楊樞故述

作孫華孫元時以醫名於淞蓋亦託而

逃焉者程雪樓時奉命採訪江南華孫辭以詩有曰率土

豈無臣語工而意亦深婉湯志亦作孫華而附此詩

於傳後蓋以為一人也据此則當入元不當入明矣

永嘉縣志

卷之十七

人物文苑

十一

高守奎字應文宋衛武烈王瓊之後少穎悟讀書得言外

意不錮師說古今世故靡不窮究生平有大志嘗曰春秋

周官用則亂臣賊子懼而天下平又曰太公之興周諸葛

之復漢誠亦畏天憫人耳又曰必用夏變夷安得斯人哉

方明善據郡乃避地去文章感慨有茶齋齋集

萬曆志

洪濤字元質至正間浙省右丞相李朵兒只奉旨命儒士

陶凱韓大禮瞿宗奎與濤等同校勘大元一統志一千三

百卷並奏授教授

萬曆府志

張天英字羲上一字渠南酷志讀書二十年貫穿經史徵

為國子助教性剛嚴不好趨謁再調不就游浙西多居吳

下與玉山主人顧仲瑛相友善肆爲詩章尤善古樂府馳

驟二李間自號石渠居士

元詩選
小傳

薛漢字宗海幼力學有令譽以青田教諭遷諸暨州學正始擬北郊制宮縣於杭衆推漢董務樂成驛傳上之大臣以太祝薦延祐五年待銓京國辟功德使授休寧主簿祭酒鄧文原薦留之泰定元年二月選國子助教四月大駕北幸用故事赴教上都八月還九月三日卒於居賢坊寓舍漢於古今制度名物創作變易年考月究無或有爽趙文敏號爲鴻識得古遺器書畫必令漢辨之乃定與司業虞伯生博士柳道傳友善其卒也二君哭之甚哀魯子翬

永嘉縣志

卷之十七

人物 文苑

十二

誌其墓稱其詩律書楷嚴績有法而慎慤不矜非雅交莫

克知也

元詩選
小傳

著有薛象峯詩集

一名宗海集 按府縣志據列朝詩集薛漢下

有盧摯攷元詩選三集乃涿郡人詳辨誤

明

余堯臣字唐卿早以文學著元末客居會稽鎮越帥邁善卿參政呂珍羅致幕下與有保越之功薦署左司無意仕進於越之桐桂里治園結茅署曰菜邁已而入吳居北郭與里中楊基張羽徐賁王行王彝宋克呂敏陳則姚廣孝爲高啟十友卽所謂十才子也明初謫濠放還洪武二年

授新鄭丞有菜邁集

明詩綜 明史文苑附
王行傳 蘓州府志

林温字伯恭博極羣經尤長於春秋年二十舉鄉薦冠多士名動海內益勉於學

宋濂林伯恭詩序

至正十四年登進士第

授休寧尹尋補江南行臺掾迎其父邦福就養未幾御史大夫子恣爲不法温以親故忍未摘其姦日恆鬱悒不樂父謂温曰吾能安吾貧慎母以老身不行其志也明日温率同列謁大夫力斥其子之非大夫慙甚既退温卽抗章辭職奉親還鄉改福建行中書省管句兼汀州路寧化縣尹累陞員外郎左右司郎中階奉訓大夫

宋濂樂清縣男林府君墓誌

明洪武初元求江浙遺佚授秦王府長史典閩浙二省鄉試宋濂稱其詩文本於氣之所養與世之學者自異著有

永嘉縣志

卷之十七

人物 文苑

十四

栗齋集弟常字伯庸從仕郎江浙儒學副提舉德化縣尹入明爲本府儒學教授亦以詩名

萬麻府志 湯志

張著字則明博學工詩元末遊學至常熟道梗弗克歸學者爭師之舉爲州學訓導遂家焉洪武三年領鄉薦授膚施知縣尋陞臨江府同知

列朝詩集

所至有治績卒於官歸葬海虞著持行清謹鄉望甚尊其文醇正有則詩清婉所著有永嘉集長安唱和集易經精義子規字運生學行能世

其家

蘇州府志

楊升字起宗洪武間寓瓊三十餘年通春秋善屬文當路撰述多出其手舉臨高校官後以老謝政與郡守王伯正

善嘗改瓊海方輿志文行冠於一時卒年八十八

國乘補

金祺字原祺

案舊志作元祺

號梅窗其先閩人有劉贊者事閩王

延義以直言遇害家族改姓金避地温台間祺篤學孝友
領洪武癸酉鄉薦除永豐教諭重修廟學九載升襄陽府
教授丁內艱服闋改常州廟學傾仄剡奏上聞勸富室捐
貲以助費有輦其規造佛殿之成材以構禮殿者友人黃
淮爲之記召赴文淵閣點永樂大典有寶鈔之賜嘗三受
聘幣典文衡辛卯陝西壬辰禮闈甲午河南士論歸之陞
漢府紀善丁外艱歸初居雁池遷南禪湖顏其室曰還林
書屋環居植梅數本從游者稱梅窗先生再遷南塘有湖

永嘉縣志

卷之十七

人物文苑

十五

民國二十四年補刻

山之勝邑之鶴陽謝氏請主家塾祺慕 溪山水奇秀遂
館其家四五載宣德乙卯卒於塾中年七十一著有梅窗

墓

介菴集金公墓誌銘

潘文奎字景昭號漁莊建文庚辰進士宣德初由左春坊
司直郎陞府同知清慎寬厚有愷悌之德其文章詞翰爲
當時所重脩國史七秉文衡陞福建布政司參議

屬姓統譜

王健字偉純文定公瓚次子温潤篤學嘉靖戊子順天鄉
試第二人登戊戌進士授刑部主事改禮部知制敕擢祠
祭儀制二司郎中參定鐘律及調處宗藩章疏媿媿時論
推之陞南京光祿少卿卒於官生平操履清謹詩文典則

稚馴尚論者稱爲金玉君子著有應制錄鶴泉集八卷

厲

府志

高應祥字默然道心古行績文種學有膏澤生民之志卒

困於時

唐順之高
默然墓碑

少治毛詩兼通諸子百氏書弱冠遊庠

邑子弟多樂從游項喬張純皆出其門生平義氣邁俗睦

族邨鄰以貢授蘇州府訓導抵任病卒

張純紀
遇集

周感字誠通號元谷端朝十一世孫通春秋髫年補邑諸

生善著論發揮性理語多獨造督學萬潮深器之領嘉靖

乙酉鄉薦再上春官不第卜棲元谷澹志仕進尋卒

康熙
府志

陳鳴鳳號觀溟嘉靖歲貢博學力行卓犖負氣節好獎掖

永嘉縣志

卷之十七

人物 文苑

十六

民國二十四年補刻

寒士富於著述隆慶元年任宿遷訓導文學儒雅爲一時

最陞九溪教授著有鍾吾荆溪諸集

乾隆府志
宿遷縣志

王應辰字拱甫號海壇世居五馬坊至應辰始徙蟾湖曾

祖漢濱以尚義輸粟授七品散官祖輔宛平丞父翰鴻臚

寺紀事序班生應辰於京邸聰敏絕倫髫年對客賦詩人

稱奇童既補郡學生竟日下帷不問家人生業淹貫經史

能爲古文詞尤工於詩爲名流所推許顧屢試不第嘉靖

辛酉以貢授上海訓導丁母憂未赴與王憲副叔果同修

縣志丙寅卒年六十二應辰孝友天至廉靜謙和蚤歲肆

力詞章晚乃遜志聖學於白沙陽明二家大端指歸日究

心賞因更號體齋子所著語錄有省言詩文有正情集簡
淡集旨若齋詩話論者謂其文宗秦漢詩則三唐於學無
所不闕潛心理窟旁通內典其葬也叔果銘其墓

半山
藏稿

戴賞字從善號金峯操行醇正博綜經史兄弟蚤世撫諸
孤於已室以選貢歷惠州訓當陽諭士皆矜式焉聘修楚
粵通志惠州府志所著有惠愛錄玉陽錄侯一元銘其墓
曰吾甌世有真儒乃今觀於金峯戴先生蓋庶幾鄒魯遺

風云

屬麻
府志

洪孝先字從周以詩書畫名重都下張岨峽許雙塘余同
麓何震川潘澄川爭折節下交岨峽開府浙江巡甌式其

永嘉縣志

卷之十七

人物 文苑

十七

民國二十四年補刻

廬辭以疾固請乃見終不往謁時高其風所著有雁池集

康熙
府志

方日升字子謙始祖彬明初爲温州批驗所大使由閩徙
永嘉東門康樂里居焉孫祖安永樂辛卯舉人官刑科給
事中五世孫元遇號東谷遺腹子道言字守信號思谷年
十五歲饑散粟千餘石以食餓者嘉靖乙卯補諸生而卒
年二十五李維楨表其墓日升其長子也少穎敏好六書
之學能詩歌兼善書翰奕棊嘗兩謁王世貞金陵世貞贈
詩稱其詩奕以高品方千目之尋入都門留三年見聞益
博歸而欲著書會京山郝敬令永嘉擇有直諒多聞工詞

翰精八法者爲李太史維楨聘爲子師聞日升名則大喜請見爲束裝入楚維楨博雅富藏書其門人漢陽周士顯亦好小學遂大發羣籍授日升俾因黃公紹古今韻會舉要而補所未備字數準韻會字體音義準說文補音者十二補義者十之六本子史百家者十之二本古經傳注者十之八會維楨起家入蜀入越已謫壽春日升皆從舟車萬里鉛槧不輟凡十餘年而書成名曰韻會小補識者稱其博洽萬曆丙午士顯令建陽刻之今傳於世子履泰次履易諸生從維楨游弟日新善奕自有傳

天泌山房集韻會小補序

戴宗璠字瑞喬弟宗瓏字瑞洲俱擅文名宗璠以貢授雲

永嘉縣志

卷之十七

人物 文苑

十八

民國二十四年補刻

和教諭

按舊志選舉作龍游教諭今據處州府志

萬曆間與修温州府志宗瓏

亦以貢歷任宣平錢塘學諭尤精詞翰著名吳中時人稱

爲二戴

康熙府志

姜準字平仲博綜羣籍閉戶著書尤悉甌中掌故萬曆間

聘修郡志不赴時論高之所著書二十七種擬陳眉公秘笈時稱良峯先生劉方伯康祉銘其墓同時有梅應期字昌侯爲盤石衛勲職讓爵與弟著書六十餘種郡守聞其名迎之不得乃託以朝聞道一章欲面受教益屬其弟迫之登舟遂就舟中草數千言以答鼓枻而歸終莫覩其面

康熙

府志

國朝

梅調元字贊臣順治辛卯歲貢授龍泉訓導舊志作雲和教諭誤年

七十九卒子為梁庠生調元淹貫經史工詞翰萬曆戊午

與同里陳邦屏建侯等為城南七子其後與林占春梅生

李元發子穎王爾椒子篤林健弱仙號永嘉五子所著有

霽月軒詩集金陵遊草行世康熙府志花萼樓集

林占春字梅生號雪菴居羅浮宏光乙酉選貢博學淵通

隱居教授尤工詩所著有輿志合璧月令合纂合山詩集

雪庵詩集詩餘甌江詩選康熙府志花萼樓集

李世瑞字文五其先自閩赤岸徙柘溪再徙外沙世瑞幼

永嘉縣志 卷之十七 人物 文苑 十九

稱神童好學善談論負意氣多怪少可每試必高等而鄉

闈輒蹶順治戊戌貢京師年七十餘卒著有甌山遺藁周

天錫銘其墓花萼樓集

趙紹鼎字昌言號雲汾宋秀王之後母陳二十而寡守志

六十年壽八十終紹鼎博極羣書意氣豪邁順治中以貢

入京師偕友人宦游南北所歷山川風物皆有撰述詩文

尤閱瞻年七十二卒有薄游詩稿周天錫銘其墓子之蘭

邑庠生花萼樓集康熙府志

谷誠字次有質性奇敏好學工文詞曲阜顏光敷視浙學

拔諸名士以誠為首所著經義精微要眇即諸名士高自

期許見誠皆帖然服困棘 試以歲貢終 其隱居奉母

不可及云

舊志參遜
學齋文鈔

林兆斗字天杓性穎慧好古其制義及古文詞無不淹博
精貫著作甚富崑山徐健菴序其詩謂不在大[麻]下兼工
書翰雅有三絕之稱時邑文廟圯兆斗倡葺夜宿學隸家
夢一峩冠博帶者驚起燭之卧榻間一珉石乃朱文公像
碑也因倡義創祠祀之康熙丙寅選貢入都王宗伯挾何
給諫金蘭以西曹記室薦兆辭不就引疾歸杜門讀書吟
咏自適卒年九十三世號九山先生所著有南竽初集續

集行世

府志

永嘉縣志

卷之十七

人物文苑

二十

翁應春字克生宋詩人靈舒之後博學能文尤長於詩詞
以歲貢終著諗癡符諸體咸備為劫火煨燼僅遺益齋存
稿與靈舒西巖集彙刻一編王思任為之序

府縣志

徐凝字幼發別號丞子廩生性孝友高邁不隨時俗隱居
大羅山刻志讀書生平多著作以家貧乏嗣散佚不可勝
紀所存者僅得一百五十篇名泉村集雄博研鍊體極蒼

老

府志

林元桂字丹五少從史尊未游學問醇茂康熙己卯庚辰
聯捷進士授懷柔令尋歸寄情詩酒所歷名山勝地率多

倡咏弟元植甲午舉人南豐知縣

府志

洪勛字麟士博學善文詞雄深刻露一文出罔不膾炙人口督學顏學山見而異之曰此章羅復起也與谷誠並駕一時康熙乙未登會魁任會同令不數月解組歸讀書自若寒素不異平日授徒百餘人出其門者俱有文名府志
蔡宏勲字銘士號食硯逸民善詩兼工書畫擅名一時以諸生老所著有雪齋集府志
徐宗穆楓林人諸生天性孝友淹貫古今勃窣理窟著學庸圖說窺見閩奧人目爲乾嘉間宿儒周藕農潘虹橋兩先生爲之敘今遺藁散軼惟孝子林龍傳天人性命賦龍母吞卵辨諸篇間有存者皆有關名教詩亦豪宕其吳越

永嘉縣志

卷之十七

人物 文苑

二十一

民國二十四年補刻

懷古云吳宮月落猶酣舞越國鷄鳴已早朝西征云馬嘶芳草風生磧雁帶胡霜秋渡河皆可誦也採訪冊

潘宗耀字繩祖號虹橋西溪崑陽人徙居城南生有殊姿九歲解吟詩作文嘉慶辛酉由選拔中式七上春官不第丁丑大挑一等分發江南南河丁外艱歸道光元年服闋復赴河工五年借署丹陽縣丞尋署丹徒知縣凡有訟者隨時訊鞠案無留牘命盜重情尤加謹焉冬請假葬父畢旋赴吳門明年補江浦知縣未任卒年五十性喜吟詠雖簿書鞅掌未嘗廢輟疾革時猶手錄春陰詩命補入稿所著有五楫一研齋詩鈔六卷子鏡霄撰行述弟宗瀾爲刊於武林

宗瀾號少湄道光乙酉拔貢著有補楫帖研齋詩鈔未梓

探訪
冊

陳遇春號鏡帆嘉慶中廩貢敦孝友劬書樂善孜孜如不
及嘗督修中山書院新雙忠祠建本支宗祠修歷代祖墓
歲饑減田租施棺掩骼以爲常永邑距省垣千里寒峻艱
資斧輒裹足遇春自嘉慶壬戌倡議集捐寶興旅費二千
餘緡權子母以欣助之通詳各憲立案名曰文成會蓋其
志力堅定久而獲濟後人踵事續增遂成巨款皆其創始
之力也又呈請學使復歲科分試舊例邑人士至今感頌
不衰歷署學篆奉檄所至輒倡義舉罄清俸如捐置於潛

永嘉縣志

卷之十七

人物 文苑

二十二

民國二十四年補刻

童試坐具創秀水賓興事例名曰登雲局修壽昌大成殿
建文昌三代祠大修麗水文廟備祭器葺圭山文昌閣修
復栝蒼北鄉古道時年踰七十矣每集一事必爲一文以
紀之其建半塘亭記謂余非敢爲益於人亦非悅於人也
蓋生平踐履篤實有功文教類如此能爲古文辭尤留意
鄉邦文獻所輯有甌栝文錄華蓋山志略護國寺志異詩
郵籤倡和集其所自著有溪山吟稿雁山遊草文成紀事
註金剛經淺解梧竹山房文稿

端木國瑚梧竹山房文
稿序七十自序探訪冊

黃漢字秋明號鶴樓性孝友不苟取與穎悟嗜學家貧備
書自給旣而棄舉業幕遊四方北歷山左平原南至江右

廣南粵東所在輒搜閱志書見事涉吾甌者筆記之久而成帙名曰甌乘補其在潮州郡幕一日偕同輩至長潭山弔明季殉節林丹九孝廉各賦詩歌紀事又爲立祠祀之咸豐壬子冬卧病夢孝廉授以二木覺而異之病亦漸次年遂歸所著有貓苑甕雲草堂詩集及甌乘補二十

卷子玉符諸生

探訪冊

張振夔字慶安號磬庵永嘉場人嘉慶戊寅舉人道光丙戌大挑一等改教諭振夔幼慧喜讀書志操特異居京師親某謁選在都有相識要人趣一見振夔不可獨與青端木國瑚瑞安鮑作雨以經術相質正初攝常山訓導

永嘉縣志

卷之十七

人物 文苑

二十二

海教諭以外艱歸服闋復任鎮海越五年庚子英利定海振夔常以籌海諸要語鎮海千總葉舞墀又私爲海上戰守策會江蘇巡撫裕謙統兵至或持策稟以獻謙異之用所薦葉舞墀募水勇而令振夔監發軍食尋移督兩及至夷定海入鎮海振夔亦棄官歸矣寇退吏海諭還之旋移疾歸所居濱海多潮患振夔於陳泰華督民築輦塘南起天馬北抵黃石縣互復於內河要衝建牖以時啓閉民賴之戊申掌教山書院時書院嬰堂恒產爲吏胥侵蝕乃請於巡道俞樹風設清釐局得增歲額倍於前其他議團練議鹽筴議

水利義倉皆平實切利害可見之施行蓋其學務實用類
如此卒年六十九所編有樂清縣志十六卷張氏譜十二
卷所著介軒詩鈔十卷文鈔八卷外集二卷皆行世子碩

字小磬廩生能世其學

遜學齋集張先生墓誌銘張
碩磬庵府君行述介軒文鈔

周衣德原名灝號藕農書堂巷人嘉慶丁卯副貢己卯順
大南元貫徹經史文如湧泉時人謂之行書廚先後居京
十九年以貧故常斷炊盧相國蔭溥耳其名館之敬禮
加顧淡於榮利性耿介不合時宜會揀發湖南知縣甫
謁上官輒以書迂目之改教職歸課徒自給年六十四

無疾而終著有四書講義研經堂文集

探訪
冊

永嘉縣志

卷之十七

人物
文苑

又二十三

隱逸

昔儀封人晨門皆賢而隱於下位而夷齊虞仲則國君之子也柳下惠魯之大夫也孔子皆謂之逸民然則古之所稱隱逸者何必韋布之士邪自後漢書始傳逸民而梁書改稱處士晉宋隋唐宋金元明諸史並稱隱逸然如武攸緒賀知章之流並載於篇則猶古之遺意也郡邑之志體殊國史凡名仕而實隱者別其名曰介節於是隱逸一門皆韋布之士矣舊志託始於張文君而文君爲樂成高士見永嘉郡記何无咎亦著籍樂清具載樂志至若蔣湛徐必友輩皆非永產而皆著於錄借

永嘉縣志

卷之十七

人物 隱逸

二十四

民國二十四年補刻

才異地義無取焉今敘載必求翔實大羅山之陽有隱君子焉則託始焉爾鄭泰臣康裕卿之流往來公卿間皆負盛名而卒馳歸故里終老布衣超然塵壒之表其它名德弗曜代有逸人於竹中高士又何多讓焉

唐

劉沖隱居大羅山人稱其所居曰廉讓里秀才洋君子山

萬麻
府志

五代

嚴永初仕南唐歷顯官一旦避地歸藏衣冠於平陽青華山穴中爲人傭作以自給吳越王物色得之永不得已於

穴間取衣冠以行已復遁去不知所之士人名其處曰巖

公巖 十國春秋

宋

鄭賡字泰臣游京師見知於杜祁公范文正公款待甚厚

一日思親遂辭歸趙清獻有贈鄭賡高士詩今永寧門外

湖中蓮花莊世傳鄭先生故居也 萬麻府志 按舊志作鄭泰臣今据趙清獻集

知即賡也

周侃行誼表著真宗召之不起郡人名其巷曰招賢坊終

護國山中 萬麻府志

朱聿字合甫 譜作朱聿字介甫舊志山川正作聿經籍志作聿非 隱於江北合山 按合

永嘉縣志

卷之十七

人物 隱逸

二十五

山即羅浮也

穴巖以居作合山游數千言號歔歛子著隱清堂

集郡守周延雋數問餽不受 萬麻府志

方煜字聖時父端以文行為歐陽文忠公所器重煜生未

晬而孤力學篤行敝衣糲食處之裕如自號愚迂翁其友

朱敏功贊之曰顏子之愚仲尼之迂既愚而迂期名不違

大觀初詔求行誼之士郡以煜應選固辭不就 竹軒雜著 浙江通志

萬歷府志

周彥通佚其名用父豫司封員外郎集賢校理恩當補官

避匿弗肯出父歿資產一無所取蕭然獨結廬於謝公山

之側居常蔬食不與俗接鄉閭傾慕推為隱君子焉崇寧

四年卒年五十七周行已銘其墓

浮沚集
萬麻志

宋之翰字邦憲號五休居士有潛德郡守至常先咨訪張

九成尤加敬慕年九十六卒子孫三世登科

萬麻志

潘朝卿字春卿以子雷煥貴封承事郎嘗與秦檜子熺同

受業於陳少南鵬飛及檜得政熺欲其附已朝卿不從亦

終不第嘗會撮古今為書號經史事統晚好讀易日課一

卦室以蒙名齋以復名堂以視履名園以觀頤名紹熙元

年卒年七十八雷煥乾道壬辰進士孫子順陳止齋壻也

其卒也止齋銘其墓

止齋集

宋希孟字鄒卿儀容端飭平生姓名不懸符牒足跡不履

永嘉縣志

卷之十七

人物 隱逸

二十六

官府安於畎畝人鮮知者葉水心有序銘

萬麻志

何傅字商霖居墓林巷自號墓林處士為人潤澤詳整對

客為清遠之言以有財為累而以貧賤為得以即死為可

足而無憾釜爨常空而意氣悠然人亦忘其為貧也嘗大

雪道無行人與同巷朱伯魚訪葉水心遂登郭公山富覽

亭之故基以望江北雪驟甚兩袂皆積水心不能忍寒飲

酒而下傅獨傍城隅度橫徠徬徨折葦之間昏夜乃歸蓋

能不以非義干其慮而有凍餓自守之樂斯亦士之極致

也少攻詩竟以成名卒年五十七其友翁忱歛之

葉適墓
林處士

墓誌

李伯鈞字仲舉柘溪人所居中洲四絕水陂匯深綬草樹多細色敞爽宜遠望舊名蒼墩十世祖曰岑號蒼墩先生父嵩分盩縣尉伯鈞外文內質以義理勝血氣鄭景望薛士龍引爲親友曰不幸而仲舉於世之味薄斯人者豈以章句限之所謂不可小知而可大受也得官監慈谿酒恥之曰吾何忍誘飢民捨其糠覈而遁於醜糟耶謝不起年四十餘卒子源字深之爲兒不嬉戲寡言笑常整飭無惰容不醉飽於物有痛渴疾未嘗離書曰吾師也疾憊惟燒香曰吾友也與葉水心友善亦不仕

葉適李仲舉墓誌

鄭純字全真雅從隱君子游門牆峻甚嘗以白眼視天下

永嘉縣志

卷之十七

人物 隱逸

二十七

士而操行極高爲薛常州葉文定陳文節胡少賓諸君子所引重其物也高宰爲之買田以贍其後水心先生詩曰鄭生在日常無食身後恓惶亦可知郭象有緣天付與新租滿確不言飢可想見固窮之節

水心集止齋集浪語集甌海軼聞

元

潘養頤字正卿自束髮卽好讀書經史百家語無不得其要領嘗曰科舉法行理學不明將何以深思實踐而盡修齊治平之道哉識者以爲格言隱居求志視聲利淡如遠近咸敬慕之詩文典實詳贍有集若干卷

康熙府志

明

王湖字崇泗少聰敏博貫經史工詩文性恬淡端恪不慕榮進一室蕭然晏如也張少師素重其人及入相屢欲辟之以母老力辭居鄉聚徒講業一時名士多出其門郡守李廷觀延爲鄉飲賓再請辭不赴敦行嗜學耄耄不衰所著有樗散稿筆記

萬麻府志

虞世暘字舜治治春秋博洽精研聲藉庠序有司凡有撰著必以屬督學屢加優獎晚棄去場屋以矩矱範後進言動有則學者嚴憚焉郡屢延蜡賓辭不赴杜門吟咏以壽終著有方樓彙稿

舊府志

朱邦采字民貞號樂山自少聰穎有聲庠序間張少師異

永嘉縣志

卷之十七

人物 隱逸

二十八

其才以女妻之奉例貢入太學世廟時以博雅詞翰聞徵授鴻臚丞侍直經筵值少師柄國引嫌不仕士類推重焉

康熙府志

周文美字才甫號雁川嘉靖中以詩鳴家故貧客游江湖以文酒自適喜畫梅每對客酒間命筆殊可人意又自爲詩其上詩才亦秀逸南都士大夫能詩者皆樂與之游隆慶辛未游青溪社所爲詩具載社稿中又自編其詩曰雁

川集

宋孟震玉笥詩談

康從理字裕卿好客任俠倭寇起海上偕劉將軍子高入吳間關兵革間瀕死者數四子高謝之終不肯去子高拜

大將建纛毗陵幕下士日衆從理乃辭歸金陵子高病思見從理馳赴與訣經紀後事扶其柩至武林遠近皆義之故人朱海峯遠宦病革猶張目視從理乃撫之曰君勿憂遠道歸櫬此吾事也乃瞑從理跋涉水陸以其喪歸同里王叔杲赴弔相向動哭再拜謝焉嘗居京師數年南還買山珠浦病卒叔杲治木殮之伐石表之曰康處士之墓詩多散佚太倉曹子念往哭其墓刻其詩曰二雁山人集

列朝

詩集明詩綜

侯一元爲之序

林蒙字彥均嘗蓄一鶴自隨因號一鶴道人先世居江北羅浮里爲邑著姓蒙藉祖父業善經紀待人不失和氣有

永嘉縣志

卷之十七

人物 隱逸

二十九

犯者直受弗與較性樂施有急輒周之晚務韜晦累歲不涉城府於所居後園構小樓寂坐其中客至無貴賤必與飲盡歡而止日以爲常勢利之心泊如也其卒也王憲副

叔果銘其墓

半山藏稿

謝敬撰字邦修少工詩文徜徉鶴陽山中絕意進取朱蕩南慕其人嘗與酬唱值倭寇突至生平最愛一琴攜之而去此外絕無繫戀其高致大率類此

康熙府志

劉康社字幼安工古文辭詩歌與何白邵建章頡頏詞壇壯歲棄諸生薄游吳楚性豪岸諸時貴咸折節下之晚從滇黔歸築南軒自娛蒔花盈砌引酒獨酌以此終其身遺

稿散佚存者可二百首

康熙府志

戴邦翼字伯翰少負氣與同學林夢祥均棄諸生茹素佞佛流覽藝苑以詞翰名於京邸晚築小樓稽山下吐納江

雲烟樹扁曰晨香自號雨花居士

康熙府志

周道麟字瑞生少聰明補邑庠生明季屏居白巖山中負

薪行吟絕跡城市有古隱君子風尋以疾卒

康熙府志

陳應聘字汝尹具至性事二親以孝聞弱冠名重巒序負才不遇遂遨游湖海所至名山大川必有記詠晚年閉戶著書有萃山集中寰集傳於世生平行誼最飭有古人風壽八十屢舉介賓不赴其先世由明經起家以齒德舉大

永嘉縣志

卷之十七

人物 隱逸

三十一

賓者七葉蟬聯郡守陳公相表其門曰世達尊

康熙府志

王應鐘字仲律嘉靖甲子試秋闈不利偶涉武闈掇高魁棄去仍爲諸生後授密雲訓性傲不善事上官游京師精璇璣玉衡元圭秘旨一時名鉅公周公瑕王百谷沈蛟門屠赤水俱折節交之贈以詩歸隱松臺側子孫以縹緲世

其家

康熙府志

黃宗揚字士昭郡增廣生博學篤行以孝友聞世居夏仙正奧閉戶著書屏跡公庭明季山寇蜂起相戒不犯其廬御史王元曦徵求處士府縣官交薦之旌匾曰敦俗移風所著有坦園詩集行於世壽八十二

康熙府志

國朝

王家琦字奇玉號湛因太僕少卿瑞杓子也年十七補弟子員讀書敦大節篤友義同邑孝廉楊一完本戌籍未遇時忤所隸弁搏執無所容家琦力救得免泰順周家偉挈子弟就郡試與奸胥夙隙誣致於理家琦言於官爲懲胥而釋周末幾二人皆鄉薦歲丙戌父旣殉節遂棄制舉業放浪山水間或走筆爲古文詞纏纏千言旁及醫卜星_麻稗官野史流覽耗日或從高陽博徒游蓋意有所託非苟焉爾也順治庚寅卒年四十一娶中丞大學士李光春女生子聲字公馨諸生次公撫爲弟家_琰後_{李象坤}_{荆菴集}

永嘉縣志

卷之十七

人物 隱逸

三十一

周天錫字懋寵號樗菴中丞應期長子也康熙歲貢學問淵博至性過人侍父里居十九年與弟天鏡周旋門內外備極艱瘁丁父憂哀毀廬墓屏跡山居幽咽悲憤一於詩歌發之_{荆庵}又自國變後謝絕人事惟以著述自娛而尤以敬桑梓徵文獻爲首重所編有慎江文徵獻徵文類詩類敬梓錄等十五種又有問古文編詩編等十三種其所自著有周易本義翼四書翼注統名花萼樓集計三十七種子四長濬長演皆諸生_{探訪}_冊

周天鏡字昭如應期次子少聰敏餼諸生中二十年志向淡遠嗜乾竺之學將入成均遽投牒引退徜徉山寺焚香

賁茗作無生 自號非臺居士周茂源韓則愈諸公深相
引重值變亂避地仙巖無疾而卒所著有半隱齋稿

康熙
府志